



Cusseglier dals chantuns Martin Schmid, il referent Heinz Karrer e cusseglier guvernativ Christian Rathgeb (da san.).



L'antierur cusseglier nazional Duri Bezzola cun Claudia Bundi, la presidenta grischuna da la pld da las dunnas.



Il chastellan Gian-Battista von Tscharner e deputada Lucrezia Furrer-Cabalzar.

«Betg sutvalitar il cumbat electoral»

PLD. Ils liberals Grischun

DA GION NUTEGN STGIER / ANR

■ Tradizionalmain ha l'apéro da Bu-
maun gi lieu en il chastè da Gian-Bat-
tista von Tscharner a La Punt/Rehanau.
Tar quel è cunzunt vegni ditg che la pld
duaia er suenter las elecziuns chantu-
nalas 2014 avair en il cussegl grond la
pli gronda fracziun. Ina rotscha com-
membras e commembers da la Partida li-
beraldemocratica ils liberals (pld) han
chattà glindesdi saira la via a La Punt/Re-
hanau. Bliers liberals èn segir er vegnids
per assister al referat da *Heinz Karrer*, il
nov president dad Economiesuisse e per
intginas emnas anc directur da l'Axpo.
L'um dal fatg ha en ses referat tematisà la
situaziun actuala da l'energia en Svizra ed
en l'Europa e l'avignir da l'energia en ge-
neral. Sin il program è dentant er stà il
pled per l'onn nov da *Christian Rathgeb*,
il liberal, ch'appartegna dapi dus onns a
la regenza grischuna. El ha ditg che la pld
Grischun fetschia dapi decennis e quai
cun success ina politica liberala cun re-
sponsabladad e schientscha per la socie-
tad e per il social. «En nossas retschas han

adina er plaz differentas posiziuns, den-
tant sch'i vè per temas decisivs lura essan
nus unids», ha ditg Christian Rathgeb.
Nagins cumpromiss hajan ils liberals tar
las suandantas valurs: maniera, modestadad,
engaschament e curaschi civil. En
vair senn quellas valurs che gjajan adina
dapli a perder en nossa societad, sajan
dentant il maletg dals liberals grischuns.
En il futur duvrain nus dapli curaschi da
prender en maun insatge e per realisar
quai haja il chantun da procurar per bun-
nas kundiziuns da basa, ha menziunà
Christian Rathgeb. Cun far consequent
ina politica liberala haja la pld grischuna
era las premissas per avair success tar las
elecziuns chantunales dals 18 da matg
2014. «Il cumbat electoral ha già cumen-
zà daditg e nus dastgain en nagins cas
sutvalitar quel», ha accentuà il cusseglier
guvernativ liberal.

Trais finamiras

Michael Pfäffli, il president da la pld gri-
schuna, ha ditg il suandant: «Nus fas-
schain nagin parairi numeric, persuerter
in parairi qualitativ.» La finamira dals li-

berals saja dad esser er dapi las tschernas
chantunales 2014 represchentads en la
regenza cun Christian Rathgeb, dad
avair vinavant la pli ferma fracziun e cun-
zunt er dad avair fermes substituents per il
cussegl grond. Da preschent appartegnan
al cussegl grond 39 deputads e de-
putadas da la pld. *Michael Pfäffli* è den-
tant da buna speranza che la pld vegnia
da remplazzar ils posts dals deputads *Reto
Nick*, *Jann Hartmann* e *Hans Peter Mi-
chel*, trais deputads che sa retiran. Even-
tualmain sa retiran er anc deputà *Duri
Bezzola* e deputada *Annamarie Perl*, ha
ditg il president da la pld grischuna. La
direcziun dals liberals grischuns vegnia
segir er ad analizar la candidatura da
Heinz Brand per la regenza chantunala,
sa concentrar ins vegnia dentant segir sin
las trais finamiras numnadas. La concu-
renza saja bain gronda ed er per la pld
grischuna sajan las elecziuns dal proxim
matg ina gronda sfida. Ils 21 da quest
mais vegn la pld grischuna a nominar uf-
ficialmain Christian Rathgeb sco candi-
dat per ina reelecziun en la regenza gri-
schuna.



Dus anteriurs deputads da la Pld grischuna: Heinz Marx e Hans Telli (da san.).



Da la partida a l'occorrenza è er stà cusseglier guvernativ Mario Cavigelli. Qua cun *Michael Pfäffli*, il president chantunal dals liberals.



Liberals tranter els: Flurin Caviezel, Curdin Mark e Hans Peter Michel (da san.).



Daniel Kunfermann, il secretari da la pld grischuna.